



ЎЗБЕКИСТОН РЕСПУБЛИКАСИ ЖИСМОНИЙ ТАРБИЯ
ВА СПОРТ ДАВЛАТ ҚўМИТАСИННИГ
ҚАРОРИ

Спорт-таълим муассасаларининг тренер-ўқитувчилари
ва йўрикчи-услубчиларига малака тоифаларини бериш
тартиби тўғрисидаги низомни тасдиқлаш
ҳакида

Ўзбекистон Республикасининг “Жисмоний тарбия ва спорт тўғрисида”ги Конуни
хамда Ўзбекистон Республикаси Вазирлар Махкамасининг 2017 йил 16 мартағи 148-сон
“Ўзбекистон Республикаси Жисмоний тарбия ва спорт давлат қўмитаси тўғрисидаги
низомни тасдиқлаш ҳакида”ги карорига мувофик Ўзбекистон Республикаси Жисмоний
тарбия ва спорт давлат қўмитаси қарор қилади:

1. Спорт-таълим муассасаларининг тренер-ўқитувчилари ва йўрикчи-
услубчиларига малака тоифаларини бериш тартиби тўғрисидаги низом иловага мувофик
тасдиклансин.
2. Мазкур қарор расмий эълон қилинган кундан эътиборан кучга киради.

Раис



Р.Курбанов

Тошкент ш.,

2017 йил 13 ноҳрь,
14-ик-сон

Ўзбекистон Республикаси
Жисмоний тарбия ва спорт
давлат қўмитасининг
2017 йил 13 ноябрдаги
17-мҳ--сон қарорига
ИЛОВА

**Спорт-таълим муассасаларининг тренер-ўқитувчилари
ва йўрикчи-услубчиларига малака тоифаларини
бериш тартиби тўғрисида
НИЗОМ**

Мазкур Низом Ўзбекистон Республикасининг “Жисмоний тарбия ва спорт тўғрисида”ги Конуни, Ўзбекистон Республикаси Вазирлар Маҳкамасининг 2010 йил 23 сентябрдаги 211-сонли “Спорт мактаблари фаолиятини ҳамда спорт мактаблари тренерлари ва мутахассислари меҳнатини молдий рағбатлантириш тизимини янада такомиллаштириш тўғрисида”ги ҳамда 2017 йил 16 марта 148-сон “Ўзбекистон Республикаси Жисмоний тарбия ва спорт давлат қўмитаси тўғрисидаги Низомни тасдиқлаш ҳакида”ги қарорларига мувофиқ спорт-таълим муассасалари, шу жумладан ихтисослаштирилган спорт-таълим муассасаларининг тренер-ўқитувчилари ва йўрикчи-услубчиларига малака тоифаларини бериш тартибини белгилайди.

1-боб. Умумий қоидалар

1. Мазкур Низом “Халқаро тоифали тренер” малака тоифасини беришга нисбатан татбиқ этилмайди.

2. Мазкур Низомда қўйидаги асосий тушунчалардан фойдаланилади:

тренер-ўқитувчи – спорт-таълим муассасалари, шу жумладан ихтисослаштирилган спорт-таълим муассасаларида муайян спорт тури бўйича таълим дастури асосида бевосита таълим берувчи ва спортчиларни тайёрловчи мутахассис;

йўрикчи-услубчи – спорт-таълим муассасалари, шу жумладан ихтисослаштирилган спорт-таълим муассасаларида ташкилий, тарбиявий, соғломлаштириш ва методик-услубий ишларни ташкил этувчи ва амалга оширувчи мутахассис.

**2-боб. Тренер-ўқитувчилар ва йўрикчи-услубчиларга бериладиган
малака тоифалари**

3. Тренер-ўқитувчиларга қўйидаги малака тоифалари берилади:
иккинчи тоифали тренер;
биринчи тоифали тренер;
олий тоифали тренер.

4. Йўрикчи-услубчиларга қўйидаги малака тоифалари берилади:
иккинчи тоифали йўрикчи-услубчи;
биринчи тоифали йўрикчи-услубчи;

олий тоифали йўриқчи-услубчи.

5. Иккинчи ва биринчи тоифали тренер ҳамда иккинчи ва биринчи тоифали йўриқчи-услубчи малака тоифалари Қоракалпогистон Республикаси Жисмоний тарбия ва спорт давлат қўмитаси, вилоятлар ва Тошкент шаҳар жисмоний тарбия ва спорт бошқармалари томонидан берилади.

6. “Олий тоифали тренер” ва “Олий тоифали йўриқчи-услубчи” малака тоифалари Ўзбекистон Республикаси Жисмоний тарбия ва спорт давлат қўмитаси томонидан берилади.

7. Спортнинг техник ва амалий турлари бўйича иккинчи ва биринчи тоифали тренер ҳамда иккинчи ва биринчи тоифали йўриқчи-услубчи малака тоифалари Ўзбекистон Мудофаасига кўмаклашувчи “Ватанпарвар” ташкилотининг Қоракалпогистон Республикаси, вилоятлар ва Тошкент шаҳар кенгашлари томонидан, “Олий тоифали тренер” ва “Олий тоифали йўриқчи-услубчи” малака тоифалари эса, Ўзбекистон Мудофаасига кўмаклашувчи “Ватанпарвар” ташкилоти Марказий Кенгаши томонидан Ўзбекистон Республикаси Жисмоний тарбия ва спорт давлат қўмитаси билан келишилган холда берилади.

8. Тренер-ўқитувчилар ва йўриқчи-услубчиларга берилган малака тоифалари уларга табакалаштирилган тарзда ҳақ тўлаш учун асос бўлади.

3-боб. Малака тоифаларини бериш бўйича талаблар

9. Малака тоифаларини олишга даъвогарларнинг хужжатлари тегишли малака комиссиялари томонидан кўриб чиқилади.

10. Тренер-ўқитувчилар малака тоифаларини олиш учун қуидаги хужжатлар тақдим этилади:

тренер-ўқитувчи томонидан малака тоифасини олиш учун берилган аризаси;

шахсни тасдиқловчи хужжат нусхаси;

мехнат дафтарчасидан нусха (иш жойидан тасдиқланган холда);

тайёрлаган спортчисининг мусобақаларда эришган натижаларини тасдиқловчи хужжатлари (мусобака баённомаси, диплом нусхаси);

спорчанин тренер-ўқитувчига бириктирилганлигини тасдиқловчи маълумотнома;

иш жойидан тавсифнома;

тренерлик фаолияти билан шугулланинг рухсатнома нусхаси.

11. Йўриқчи-услубчилар малака тоифаларини олиш учун қуидаги хужжатлар тақдим этилади:

йўриқчи-услубчи томонидан малака тоифасини олиш учун берилган аризаси;

шахсни тасдиқловчи хужжат нусхаси;

мехнат дафтарчасидан нусха (иш жойидан тасдиқланган холда);

иш жойидан тавсифнома;

йўриқчи-услубчи фаолиятини амалга ошириш учун нашр этилган услубий кўлланма(лар) нусхаси (мавжуд бўлганда).

12. Малака тоифалари мазкур Низомнинг 1, 2 ва 3-иловаларида назарда тутилган мезонларга мувофик берилади.

13. Иккинчи ва биринчи тоифали малака тоифаларини олиш учун даъвогар бевосита Қорақалпоғистон Республикаси Жисмоний тарбия ва спорт давлат қўмитаси, вилоятлар ҳамда Тошкент шаҳар жисмоний тарбия ва спорт бошқармалари хузурида ташкил этилган, спортнинг техник ва амалий турлари бўйича эса, Ўзбекистон Мудофаасига кўмаклашувчи “Ватанпарвар” ташкилотининг Қорақалпоғистон Республикаси, вилоятлар ва Тошкент шаҳар кенгашлари хузурида ташкил этилган малака комиссиясига мурожаат қиласди.

Олий тоифали малака тоифасини олиш учун даъвогар мазкур Низомнинг 10, 11-бандларида кўрсатилган хужжатларни Қорақалпоғистон Республикаси Жисмоний тарбия ва спорт давлат қўмитаси, вилоятлар ва Тошкент шаҳар жисмоний тарбия ва спорт бошқармалари ҳамда спорт-таълим муассасалари, шу жумладан ихтисослаштирилган спорт-таълим муассасаларига, спортнинг техник ва амалий турлари бўйича эса, Ўзбекистон Мудофаасига кўмаклашувчи “Ватанпарвар” ташкилотининг Қорақалпоғистон Республикаси, вилоятлар ва Тошкент шаҳар кенгашларига тақдим этади. Улар ўз навбатида ушибу хужжатларни тасдиқлаб, кўриб чикиш учун Ўзбекистон Республикаси Жисмоний тарбия ва спорт давлат қўмитаси хузурида ташкил этилган малака комиссиясига, спортнинг техник ва амалий турлари бўйича эса, Ўзбекистон Мудофаасига кўмаклашувчи “Ватанпарвар” ташкилоти Марказий Кенгашига тақдим этади.

14. Мазкур Низомнинг 10, 11-бандларида назарда тутилган хужжатларнинг ҳақонийлиги учун даъвогар, шунингдек Қорақалпоғистон Республикаси Жисмоний тарбия ва спорт давлат қўмитаси, вилоятлар ва Тошкент шаҳар жисмоний тарбия ва спорт бошқармалари, спорт-таълим муассасалари, шу жумладан ихтисослаштирилган спорт-таълим муассасалари ҳамда Ўзбекистон Мудофаасига кўмаклашувчи “Ватанпарвар” ташкилотининг Қорақалпоғистон Республикаси, вилоятлар ва Тошкент шаҳар кенгашлари жавобгар хисобланади.

15. Малака тоифалари 5 йил муддатга берилади. Мазкур мулдат ўтгандан сўнг, тренер-ўқитувчилар ва йўрикчи-услубчилар ўз малака тоифаларини белгиланган тартибда кайтадан тасдиқлатини шарт.

Малака тоифалари конун хужжатларига мувофик ижодий таътил олинганда ижодий таътил муддатига, шунингдек ёшига доир пенсияга чикиш муддатига бир йил қолганда бир йил муддатга узайтирилади.

Малака тоифалари қайтадан тасдиқлангунга қадар, тренер-ўқитувчилар ва йўрикчи-услубчиларга иш ҳақи мутахассис лавозими бўйича тўланади.

16. Малака тоифаларининг амал қилиш муддати тугашидан икки ой олдин мазкур Низомнинг 10, 11-бандида назарда тутилган хужжатлар белгиланган тартибда тегишли малака комиссияларига тақдим этилади.

17. “Ўзбекистон Республикасида хизмат кўрсатган спорт устози” унвонига эга бўлган шахсларга малака тоифалари чекланмаган муддатга берилади.

18. Тренер-ўқитувчиларга малака тоифалари Олимпия, ноолимпия ўйинлари ёки Ўзбекистон миллий спорт турлари ва халқ ўйинлари бўйича натижа кўрсатган спортчи билан камида икки йил узлуксиз шуғуллангандан сўнг берилади.

19. Спортчиларни кейинги спорт маҳоратини ошириш гурухларига берган тренер-ўқитувчилар ушбу спортчиларнинг натижалари бўйича тегишли малака тоифаларини олишга ҳақли. Бунда ушбу тренер-ўқитувчи даъвогарлик қилаётган малака тоифасидан олдинги малака тоифаси мезонларига тўғри келадиган натижаларга эришган спортчиларга эга бўлиши шарт. Бу спортчилар эришган натижалар бўйича тренер-ўқитувчи факат бир марта малака тоифаси олини мумкин.

20. Малака тоифаларини беришида тан олинадиган нуфузли спорт мусобакалари мазкур Низомнинг 4-иловасига мувофик белгиланади.

4-боб. Малака тоифаларини бериш бўйича малака комиссиялари

21. Тренер-ўқитувчилар ва йўриқчи-услубчиларга малака тоифаларини бериш бўйича тегишли ташкилотлар ҳузурида малака комиссиялари ташкил этилади.

22. Малака комиссияси аъзолари бир йил муддатга тегишлича Ўзбекистон Республикаси Жисмоний тарбия ва спорт давлат қўмитаси, Қорақалпоғистон Республикаси Жисмоний тарбия ва спорт давлат қўмитаси, вилоятлар ва Тошкент шахар жисмоний тарбия ва спорт бошқармалари, спортнинг техник ва амалий турлари бўйича эса Ўзбекистон Мудофаасига кўмаклашувчи “Ватанпарвар” ташкилоти Марказий Кенгаши ёки унинг Қорақалпоғистон Республикаси, вилоятлар ва Тошкент шахар кенгашлари томонидан тасдиқланади.

23. Ўзбекистон Республикаси Жисмоний тарбия ва спорт давлат қўмитаси раисининг биринчи ўринbosари – республика малака комиссиясининг, Қорақалпоғистон Республикаси Жисмоний тарбия ва спорт давлат қўмитаси раисининг ўринbosари, вилоятлар ҳамда Тошкент шахар жисмоний тарбия ва спорт бошқармалари бошлиқларининг ўринbosари – бўлим бошлиги худудий малака комиссиясининг раиси ҳисобланади. Ўзбекистон Республикаси Жисмоний тарбия ва спорт давлат қўмитаси, Қорақалпоғистон Республикаси Жисмоний тарбия ва спорт давлат қўмитаси, вилоятлар ва Тошкент шахар жисмоний тарбия ва спорт бошқармалари, спорт федерациялари (уюшмалари), спорт мактабларининг раҳбарлари ҳамда вакиллари малака комиссиясига аъзо сифатида киритилади.

Спортнинг техник ва амалий турлари бўйича эса, Ўзбекистон Мудофаасига кўмаклашувчи “Ватанпарвар” ташкилоти Марказий Кенгаши раисининг спорт ишлари бўйича ўринbosари – республика малака комиссиясининг, Ўзбекистон Мудофаасига кўмаклашувчи “Ватанпарвар” ташкилотининг Қорақалпоғистон Республикаси, вилоятлар ва Тошкент шахар кенгашлари раисининг спорт ишлари бўйича ўринbosари – худудий малака комиссиясининг раиси ҳисобланади.

24. Малака комиссияси 7 нафар аъзодан иборат бўлади, унинг таркиби тегишлича Ўзбекистон Республикаси Жисмоний тарбия ва спорт давлат қўмитаси, Қорақалпоғистон

Республикаси Жисмоний тарбия ва спорт давлат қўмитаси, вилоятлар ва Тошкент шаҳар жисмоний тарбия ва спорт бошкармалари, спорт фелерациялари (уюнмалари, марказлари ва бошқалар), спорт турлари бўйича олий спорт махорати мактаблари, спорт турлари бўйича ихтисослаштирилган болалар-ўсмиirlар спорт мактаблари ва бонка жисмоний тарбия-спорт ташкилотлари раҳбарлари ёки вакиллари, спортнинг техник ва амалий турлари бўйича эса Ўзбекистон Мудофаасига кўмаклашувчи “Ватанпарвар” ташкилоти Марказий Кенгashi ёки унинг Қоракалпогистон Республикаси, вилоятлар ва Тошкент шаҳар кенгашлари раҳбарлари ёки вакиллари киритилади.

Малака комиссияси унинг аъзоларининг учдан икки қисми қатнашган тақдирда ваколатли хисобланади.

Малака комиссияси аъзоларига кўйидаги талаблар кўйилади:

олий маълумотга эга бўлиши;

жисмоний тарбия ва спорт соҳасида камида 5 йиллик иш тажрибасига эга бўлиши;

жисмоний тарбия ва спорт соҳасидаги норматив-хуқукий ҳужжатлар баъзаси билан яхши таниш бўлиши.

Малака комиссияси котиби ҳужжатларни қабул қиласди, комиссия йигилишида кўриб чиқиш учун тайёрлайди, расмийлаштиради ва уларни саклайди.

25. Малака комиссияси раиси ва аъзолари кўйидаги ҳолларда комиссия таркибидан муддатидан олдин чиқарилиши мумкин:

ўз аризасига кўра;

у билан тузилган меҳнат шартномаси бекор қилинган тақдирда;

зиммасига юклangan вазифаларни бажаришда аниқланган коида бузишлари бўлганда;

вафот этган тақдирда.

26. Малака комиссияси қарорлари очик овоз бериш йўли билан қабул қилинади. Комиссия қарори йигилишда иштирок этган аъзоларнинг кўпчилиги овоз берган тақсирла, қабул қилинган хисобланади. Овозлар тенг бўлган тақсирла, комиссия раисининг овози хал килувчи хисобланади. Малака комиссияси аъзоси бўлган мутахассиснинг ҳужжатлари комиссияда кўрилганда комиссия аъзоси бўлган мутахассиснинг овози хисобга олинмайди.

27. Малака комиссиясининг йигилишлари ҳар чоракда бир марта ўтказилади. Комиссиянинг навбатдан ташқари йигилишлари қўйидаги ҳолларда раис томонидан чакирилади:

янги ўкув йили бошланиши билан боғлиқ бўлган ҳолларда;

тақдим этилган ҳужжатлар йигилиб қолганда.

28. Малака комиссияси қарори баённома билан расмийлаштирилади ва раис ҳамда йигилишда иштирок этган аъзолар томонидан имзоланади. Малака комиссиясининг қарори Ўзбекистон Республикаси Жисмоний тарбия ва спорт давлат қўмитасининг веб-сайтида эълон қилинади.

Малака тоифасини бериш тўғрисидаги тегишли малака комиссиясининг қарорига мувофик Ўзбекистон Республикаси Жисмоний тарбия ва спорт давлат қўмитаси, Қорақалпоғистон Республикаси Жисмоний тарбия ва спорт давлат қўмитаси, вилоятлар ва Тошкент шаҳар жисмоний тарбия ва спорт бошқармалари, спортнинг техник ва амалий турлари бўйича эса Ўзбекистон Мудофаасига кўмаклашувчи “Ватанпарвар” ташкилоти Марказий Кенгаши ёки унинг Қорақалпоғистон Республикаси, вилоятлар ёхуд Тошкент шаҳар кенгаши томонидан буйруқ чиқарилади ҳамда мазкур Низомнинг 5-иловасига мувофик шаклда малака тоифаси тўғрисида гувоҳнома расмийлаштирилади.

29. Малака комиссияси қароридан порози бўлган инхелар қарор кабул килингандан сўнг, бир ой ичидаги республика малака комиссияси ёки судга шикоят килишлари мумкин.

Республика малака комиссиясига шикоят келиб тушган холларда Республика малака комиссияси тегишли ҳудудий малака комиссияларидан ҳужжатлар нусхаларини ўрганиб чиқиш учун сўраб олишга ҳақли.

30. Республика малака комиссиясининг хulosаси уч нусхада баённома билан расмийлаштирилади, баённоманинг бир нусхаси аризачига, иккинчи нусхаси ҳудудий комиссиясига юборилади.

5-боб. Малака тоифаси берилган шахсларнинг ҳисобини юритиш

31. Берилган малака тоифалари ҳисоби малака тоифасини бериш тўғрисидаги буйруқларга асосан юритилади.

32. Малака тоифасини бериш бўйича барча ҳужжатлар Ўзбекистон Республикаси Жисмоний тарбия ва спорт давлат қўмитаси, Қорақалпоғистон Республикаси Жисмоний тарбия ва спорт давлат қўмитаси, вилоятлар ва Тошкент шаҳар жисмоний тарбия ва спорт бошқармалари, спортнинг техник ва амалий турлари бўйича эса, Ўзбекистон Мудофаасига кўмаклашувчи “Ватанпарвар” ташкилоти Марказий Кенгаши ёки унинг Қорақалпоғистон Республикаси, вилоятлар ёхуд Тошкент шаҳар кенгашида икки йил мобайнида сақланиб, тегишли архив муассасаларига топширилади.

33. Тренер-ўқитувчи ва йўриқчи-услубчиларга берилган гувоҳномалар тўғрисидаги маълумот Гувоҳномаларни рўйхатга олиш дафтарида навбатма-навбат қайд этиб борилади. Гувоҳномаларни рўйхатга олиш дафтари саҳифаланган, тикилган ва ташкилот мухри қўйилган бўлиши лозим.

34. “Халқаро тоифали тренер” малака тоифасини олган тренер-ўқитувчиларнинг ҳисоби Ўзбекистон Республикаси Жисмоний тарбия ва спорт давлат қўмитаси томонидан юритилади.

6-боб. Якуний қоидалар

35. Мазкур Низом талаблари бузилишида айбдор бўлган шахслар қонун хужжатларига мувофиқ жавобгарликка тортилади.

36. Мазкур Низом Ўзбекистон Мудофаасига кўмаклашувчи “Ватанпарвар” ташкилоти Марказий Кенгashi, Ўзбекистон Республикаси Бандлик ва меҳнат муносабатлари вазирлиги ҳамда Молия вазирлиги билан келишилган.

Ўзбекистон Мудофаасига кўмаклашувчи
“Ватанпарвар” ташкилоти Марказий
Кенгashi раиси

2017 йил 13 ноябрь

Бандлик ва меҳнат
муносабатлари вазири

2017 йил 13 ноябрь

Молия вазири

2017 йил 13 ноябрь



А.Хайтов

Б.Ходжаев

Спорт-таълим муассасаларининг тренер-
ўқитувчилари ва йўриқчи-услубчиларига
малака тоифаларини бериш тартиби
тўғрисидаги низомга

1-ИЛОВА

**Тренер-ўқитувчиларнинг иш натижаларини баҳолаш
МЕЗОНЛАРИ**

Тренер-ўқитувчи томонидан тайёрланган спортчиларнинг спорт мусобақаларида эришган натижаси бўйича:				
Спорт мусобақасининг номи	Спортчи сони* (камода)	Спортчи томонидан спорт мусобақасида эгалланган ўрин (Эришилган натижаси)**		
		олий тоифа	биринчи тоифа	иккинчи тоифа
Олимпия ўйинлари	1	1 - 10	11 - 20	иштирок этган бўлиши кифоя
Жаҳон чемпионати ва кубоги	1	1 - 6	7 - 10	11 - 20
Ёшлар ва ўсмиirlар ўртасида Жаҳон чемпионати ва (ёки) кубоги	1	1 - 3	4 - 6	7 - 10
Осиё ўйинлари	1	1 - 6	7 - 10	10 - 14
Осиё чемпионати ва кубоги	1	1 - 3	4 - 6	7 - 10
Ёшлар ва ўсмиirlар ўртасида Осиё чемпионати ва (ёки) кубоги	1	1-2	3 - 5	6 - 8
Халқаро спорт мусобақалари	2	1	2-3	4 - 6
Ўзбекистон Республикаси чемпионати, кубоги ёки	2	-	1 - 3	4 - 6
Ёшлар ва ўсмиirlар ўртасида Ўзбекистон Республикаси чемпионати, кубоги ёки биринчилиги	2	-	1	2-3

Изоҳ: тренер-ўқитувчига тегишли малака тоифасини бериш учун у томондан спорт мусобақасида қатнашиш учун тайёрланиши лозим бўлган спортчи сони* ва спортчининг спорт мусобақасида эгаллаши лозим бўлган ўрни (эришилган натижаси)**.

“Олий тоифали тренер” малака тоифасини беришда тренер-ўқитувчи томонидан тайёрланган спортчиларнинг Ўзбекистон Республикаси чемпионати, кубоги ёки биринчилиги ҳамда Ёшлар ва ўсмиirlар ўртасида Ўзбекистон Республикаси чемпионати, кубоги ёки биринчилигига эгаллаган ўрни кўрсаткич сифатида инобатга олинмайди.

Мазкур жадвалда кўрсатилган спорт мусобақаларининг нуфузи Спорт-таълим муассасаларининг тренер-ўқитувчилари ва йўриқчи-услубчиларига малака тоифаларини бериш тартиби тўғрисидаги низомнинг 4-иловасига мувофиқ аниқланади.

Спорт-таълим муассасаларининг тренер-
ўқитувчилари ва йўриқчи-услубчиларига
малака тоифаларини бериш тартиби
тўғрисидаги низомга
2-ИЛОВА

**Тренер-ўқитувчиларнинг иш натижаларини баҳолаш
МЕЗОНЛАРИ**

Тренер-ўқитувчининг Ўзбекистон Республикасининг спорт терма жамоаларини шакллантириш хамда спорт захирасини тайёрлашда қўшган ҳиссаси бўйича:		
Терма жамоалар ва спорт захираси	Тайёрланган спортчи сони*	
	биринчи тоифа	иккинчи тоифа
Спортчиларни Ўзбекистон Республикасининг спорт терма жамоаси номзодлигига тайёрлаш (асосий)	2	1
Спортчиларни Ўзбекистон Республикасининг спорт терма жамоаси номзодлигига тайёрлаш (захира)	3	2
Спортчиларни Қорақалпоғистон Республикаси, вилоятлар ва Тошкент шаҳар спорт терма жамоалари номзодлигига тайёрлаш (асосий)	3	2
Спортчиларни Қорақалпоғистон Республикаси, вилоятлар ва Тошкент шаҳар спорт терма жамоалари номзодлигига тайёрлаш (захира)	4	3
Спортчиларни олий маҳорат спорт мактабига кириши учун тайёрлаш	3	1
Спортчиларни олимпия захираси коллежига кириши учун тайёрлаш	4	2
Спортчиларни олий спорт маҳорати босқичигача тайёрлаш	4	2
Спортчиларни спорт маҳоратини такомиллаштириш босқичигача тайёрлаш	2	1
Спортчиларни бошлангич тайёргарлик босқичидан ўқув-машқ босқичига тайёрлаш		2

Изоҳ: * тренер-ўқитувчига тегишли малака тоифасини бериш учун у томондан Ўзбекистон Республикасининг спорт терма жамоаларини шакллантириш хамда спорт захирасини яратиш учун тайёрлаши лозим бўлган спортчилар сони. Бунда “Олий тоифали тренер” малака тоифасини беришда мазкур кўрсаткичлар инобатга олинмайди.

Спорт-таълим муассасаларининг тренер-
ўқитувчилари ва йўриқчи-услубчиларига
малака тоифаларини бериш тартиби
тўғрисидаги низомга
3-ИЛОВА

**Йўриқчи-услубчиларнинг иш натижаларини баҳолаш
МЕЗОНЛАРИ**

Ташкилотлар, иш хусусиятлари	Иш стажи (йил)*		
	олий тоифа	биринчи тоифа	иккинчи тоифа
Жисмоний тарбия ва спорт соҳасидаги раҳбарлик лавозимидағи хамда ташкилий-услубий ишлари:			
Ўзбекистон Республикаси Жисмоний тарбия ва спорт давлат қўмитасида	5	3	2
Ўзбекистон Миллий олимпия қўмитасида	5	3	2
Қорақалпоғистон Республикаси Жисмоний тарбия ва спорт давлат қўмитасида, вилоятлар ва Тошкент шаҳар жисмоний тарбия ва спорт бошқармаларида	7	4	3
Республика даражасидаги спорт федерациялари (уюшмалари)да	5	3	2
Худудий спорт федерациялари (уюшмалари)да	7	5	3
Республика даражасидаги жисмоний тарбия-спорт жамиятларида	7	4	3
Худудий жисмоний тарбия-спорт жамиятларида	10	6	4
Бевосита раҳбарлик лавозимидағи ишлари:			
Олий спорт маҳорат мактаби, олий маҳорат спорт мактаби, олимпия захираси коллежи, ихтисослаштирилган болалар-ўсмирлар спорт мактабларида	6	5	4
Болалар-ўсмирлар спорт мактабларида	7	5	3
Илмий тадқиқот институтлари ва олий таълим муассасаларида жисмоний тарбия ва спорт соҳасидаги фаолияти:			
Илмий унвон ёки илмий даражага эга бўлган холда	7	4	2
Илмий унвон ва илмий даражага эга бўлмаган холда	10	7	4

Изоҳ: иш стажини ҳисоблашда тегишли ишда (лавозимда) тўлиқ ишланган йиллар
ҳисобга олинади.

Йўриқчи-услубчининг иш натижаларини баҳолашда унинг иш стажидан катъи
назар, Ихтисослаштирилган мувофиқлаштирувчи услубий Кенгаш томонидан рухсат
берилган холда жисмоний тарбия ва спорт соҳасида якка муаллифликда чоп этган
услубий қўлланмалари ҳисобга олинади. Бунда “Олий тоифали йўриқчи-услубчи” малака
тоифасини олиш учун камида 2 та, “Биринчи тоифали йўриқчи-услубчи” малака
тоифасини олиш учун эса, камида 1 та услубий қўлланма чоп этилган бўлиши лозим.

Спорт-таълим муассасаларининг тренер-
ўқитувчилари ва йўриқчи-услубчиларига
малака тоифаларини бериш тартиби
тўғрисидаги низомга
4-ИЛОВА

**Малака тоифаларини олишда тан олинадиган
нуфузли спорт мусобақалари**

Нуфузли спорт мусобақаларига Олимпия ва Осиё ўйинлари, Жаҳон ва Осиё чемпионатлари ва кубоклари, турли халқаро спорт мусобақалари, Ўзбекистон Республикаси чемпионати, кубоги киради. Бунда:

1. Олимпия ўйинларининг нуфузи Халқаро Олимпия қўмитаси томонидан белгиланади.

2. Олимпия ўйинлари дастурига киритилган спорт турлари бўйича Жаҳон ёки Осиё чемпионати ва кубогининг нуфузи тегишли халқаро спорт федерацияси (уюшмаси) томонидан белгиланади.

3. Олимпия ўйинлари дастурига киритилмаган спорт турлари бўйича Жаҳон чемпионати ва кубогининг нуфузи ушбу спорт мусобақаларида камида 20 та мамлакатнинг вакиллари ва (ёки) терма жамоалари қатнанинг тақсирла тан олинади. Осиё чемпионати ва кубогининг нуфузи эса, ушбу спорт мусобақаларида камида 10 та мамлакатнинг вакиллари ва (ёки) терма жамоалари қатнашган тақдирда тан олинади.

4. Халқаро спорт мусобақаларининг нуфузи спорт турлари бўйича тегишли халқаро спорт федерациялари (уюшмалари) томонидан рўйхатга олинган халқаро спорт мусобақалари бўйича тан олинади. Бунда ушбу спорт мусобақаларида камида 6 та мамлакатнинг вакиллари ва (ёки) терма жамоалари қатнашган бўлиши керак.

5. Ўзбекистон Республикаси чемпионати, кубоги нуфузи ушбу спорт мусобақаларининг халқаро ва республика миқёсидаги спорт ҳамда оммавий жисмоний тарбия тадбирларининг календарь режасига киритилиши билан белгиланади.

Спорт-таълим муассасаларининг тренер-
ўқитувчилари ва йўриқчи-услубчиларига
малака тоифаларини бериш тартиби
тўғрисидаги низомга
5-ИЛОВА

Ваколатли орган иоми

ГУВОХНОМА _____-сон

МАЛАКА ТОИФАСИ ТЎҒРИСИДА

Фамилияси: _____

Исми: _____

Отасининг исми: _____

Спорт тури: _____

Спорт турлари бўйича тренер, шунингдек йўриқчи-услубчиларга
малака тоифалари бериш малака комиссиясининг қарори ҳамда

НИНГ

_____ йил _____ даги _____ -сонли буйруғига асосан
“ _____ ” тоифаси берилди

_____ йил _____ кунига қадар ҳақиқий ҳисобланади.

Ваколатли орган раҳбарининг имзоси ва мухри

Гувохнома берилган сана: